

Oferta "S.Cristoforo": en domènia, ai 30 de lugio jará l'oferta ala Comunità de Sant Egidio che nes presentará súa ativité miscionaria.

Na mostra de libri religiusc mèt fora les Suore Paoline dan dlìja en domènia, ai 30 de lugio do les mæsses.

Conzert dl Trio Alba: « Badiamusica » invièia düc a chësc conzert en mercui ai 27 de lugio dales 21:15 te Ciasa Runcher.

Ciasa de Palsa: i berbesc y les mèdes dla Ciasa de Palsa invièia düta la popolaziun a na incuntada en chësta domènia, ai 23 de lugio. Dales 09:30 éle na S. Mëssa tl'entrada dla Ciasa de Palsa y dedo é düc inviá a sté adöm cun renfrësch y musiga.

L'Assoziaziun Turistica Badia lascia alsavèi che en mertesc, ai 25.07.2017 gnará le zënter de S. Linert stlüt al trafich dales 18:30 ales 23:00 por la manifestaziun "Nos dai strudli". En cajo de bur tēmp gnará la manifestaziun spostada al mercui. Düc é dër bel inviá.


Dala "**Festa di mituns**" ai 11 de lugio a S. Martin él resté zruich deplö toc de quant. Chi che á mancia val' pó jí te Sorvisc ai Jogn a damané do.

Dal Vangelo della prossima domenica – 17^a dell'anno A Mat. (13, 44-46)

In quel tempo Gesù disse ai suoi discepoli:

«Il regno dei cieli è simile a un tesoro nascosto nel campo; un uomo lo trova e lo nasconde; poi va, pieno di gioia, vende tutti i suoi averi e compra quel campo.

Il regno dei cieli è simile anche a un mercante che va in cerca di perle preziose; trovata una perla di grande valore, va, vende tutti i suoi averi e la compra».



Plata dla Ploania

Badia

San Iaco - San Linert

Ploan: Siur Iaco Wendelin Willeit

Calonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz


UNITÉ PASTORALA



www.unitepastorala.org

Ann „A“ 23.07. - 30.07.2017 16° Domènia dl ann n. 35

FESTA de S. IACO



LALDUN Y RENGRAZIUN LE SIGNUR CUN

Siur Sepl Granruaz - 60 agn prou

Siur Degan Iaco Wendelin Willeit - 45 agn prou

Pater Franz Senfter - 35 agn prou.

FUNZIUNS SACRES

- 23.07. **FESTA de S. IACO – Patron de nosta dlijia**
09.45 Dan Calonia: salüt da festa ai iubilars y ingres te dlijia
10.00 Mëssa solena en onur de S. Iaco y de iubileum cun prozesciun
18.00 por vocaziuns da prou, de convënt y laiches
†to Paul Ploner - aniversar
†ti de Alfred y Rita Irsara
- 25.07. Mertesc - S. Iaco
19.30 †ta Maria Tasser Frenademetz - aniversar
†ta Daniela Pescollderingg - aniversar
por fam. Davide y Tarina Campej en reingraziament
- 26.07. Mercui - S. Ana y S. Iachin
07.30 Prozesciun da S. Linert a La Crusc
09.30 La Crusc: Mëssa por la Uniun dles Èles y prozesciun
†ta Anna Pizzinini Irsara y por fam. da Castalta
por fam. Angel y Waltraud Pezzei
a d'intenziun
- 27.07. Jöbia
19.30 †ta Clara Pescoller
por na porsona püra
por les animes dl purgatore
- 28.07. Vëndres
07.30 †to Albino Alfarei - aniversar
†to Rudi Rottonara - aniversar
†to Antonio Palumbo
- 29.07. Sabeda
16.00 Mëssa a Oies
- 30.07. **17^a DOMËNIA dl ANN A**
10.00 Mëssa por la Comunité
15.00 Festa da Bato
18.00 †to Helmut Castlunger - aniversar
†to Guido Dapunt - aniversar
†ti Metodjo y Anna Frenademetz – aniversar
†to Manfred Moling - aniversar

Dala VITA dla CÛRA



Domënia, ai 23 de de lugio 2017

FESTA de S. IACO – PATRON de nosta DLIJIA **FESTA de IUBILEUM da PROU**

Düta la Comunité fej festa con i iubilars tolan pert ala mëssa solena dales 10:00 cun prozesciun. Dedô é duc inviá sön paiun dla müjiga por ti sporje les mius audanzas dandadüt a siur Sepl Granruaz, spo a siur Degan Iaco Willeit y a Pater Franz Senfter da Oies.

Mercui, ai 26 de lugio: Festa de S. Ana y S. Iachin

07:30 prozesciun da S. Linert a La Crusc

09:30 La Crusc: Mëssa en onur de S. Ana por la Uniun Èles
Prozesciun Eucaristica cun 2 Vangeli

Le grup de oraziun “umes præia deboriada” se abina en mercui ai 26 de lugio dales 20:00 te dlijia. Duc é inviá a tó pert.

Legio Mariae: chësc grup se incunta en jöbia, ai 27 de lugio dales 14:00 te dlijia por n'ora de oraziun. Toleda pert.



Na audanza particulara cun n gran giulan da düta la Comunité vá a siur Degan por so compliann y santinom che al festejëia en mertesc ai 25 de lugio.

Posc por les Urnes te Cortina de Badia: le Comun á arjigné ca i posc por les urnes y i laurs é dër garatá. Al é ciamó da definí le regolament. Ince zënza á le Comun sistemé y abelí la cortina. Dër bel giulan.

Siur Degan